



UNIVERSITÄTS-  
BIBLIOTHEK  
PADERBORN

**Die XX. Julii. In Festo Sancti Hieronymi Æmiliani  
Confessoris**

**Paderbornae, 1770**

Die XX. Julii. In Festo Sancti Hieronymi Æmiliani Confessoris, duplex.

---

[urn:nbn:de:hbz:466:1-62828](https://nbn-resolving.org/urn:nbn:de:hbz:466:1-62828)

Die xx. Julii.  
IN FESTO  
SANCTI HIERONYMI ÆMILIANI  
CONFESSORIS,  
DUPLEX.

---

*Omnia de Communi Confessoris non Pontificis,  
præter ea, quæ sequuntur.*

*In Hym. Iste Confessor, mutatur tertius versus.*

O R A T I O.

**D**eus, Misericordiarum Pater, per me-  
rita, & intercessionem BEATI HIE-  
RONYMI, quem Orphanis adjuto-  
rem, & patrem esse voluisti: concede, ut  
spiritum adoptionis, quo filii tui nomina-  
mur, & sumus fideliter custodiamus. Per  
Dominum &c.

IN PRIMO NOCTURNO.

*Lectioes de Script. occurr.*

IN II. NOCTURNO.

*Lectio IV.*

**H**IERONYMUS è gente Patricia Æmilianaa  
Veneiis ortus, à primâ adolescentia  
militiæ addictus, difficillimis Reipublicæ  
temporibus Castro novo ad Quarum in  
Montibus Tarvisinis præficitur. Arce ab  
hostibus captâ, ipse in teterrimum carce-  
rem detruditur: manibus, ac pedibus vin-  
ctus; cui omni humanâ ope destituto Bea-  
tissi-

tissima Virgo ejus precibus exorata, clemens adest, vincula solvit, & per medios hostes, qui vias omnes obsederant, in Tarvisii conspectum incolumem ducit. Urbem ingressus, ad Deiparæ aram, cui se voverat, manicas, compedes, catenas, quas secum detulerat, in accepti beneficii testimonium suspendit. Reversus Venetias cæpit pietatis studia impensius colere, in pauperes mirè effusus, sed puerorum præsertim misertus, qui parentibus orbati, egeni, & fordidi per Urbem vagabantur, quos in ædes à se conductas recepit de suo alendos, & Christianis moribus imbuendos.

℞. Honestum fecit &c.

*Lectio V.*

**P**er eos dies venetias appulerant Beatus Cajetanus, & Petrus Carafa, postmodum Paulus Quartus, qui Hieronymi spiritu, novoque instituto colligendi Orphano probato, illum in Incurabilium Hospitale adduxerunt, in quo Orphanos simul educaret, atque ægrotis pari charitate inserviret. Mox eorumdem hortatu in proximam continentem profectus, Brixix primùm, deinde Bergomi, atque Novocomi Orphanotrophia erexit, Bergomi præsertim, ubi præter duo, pro pueris unum, & pro puellis alterum, domum excipiendis, novo in illis regionibus

bus exemplo, Mulieribus à turpi vita ad pœnitentiam conversis, aperuit. Somaſchæ demum ſubiſtens, in humili pago agri Bergomenſis ad Venetæ ditionis fines, ſibi, ac ſuis ibi ſedem conſtituit, formamque induxit Congregationis, cui propter eà à Somaſcha nomen factum, quàm ſubinde auctam, & propagatam, nedum Orphanorum regimini, & Eccleſiarum cultui, ſed ad Majorem Chriſtianæ Reipublicæ utilitatem Adoleſcentium in litteris, & bonis moribus institutioni, in Collegiis, Academiis, Seminariis addictam Sanctus Pius Quintus inter Religioſos Ordines adſcripſit, cæterique Pontifices privilegiis ornarunt.

Rx. Amavit eum &c.

*Lectio VI.*

**O**rphanis colligendis intentus Mediolanum proficiſcitur, atque Ticinum, & utrobique collectis agminibus puerorum tectum, victum, veſtem, Magiſtros, Nobilibus Viris faventibus, providè conſtituit. Inde Somaſcham redux, omnibus omnia factus à nullo abhorrebat opere, quod in proximi bonum cedere pervideret. Agricolis immixtus per agros ſparſis, dum ſe illis adiutorem in metendis frugibus præbet, myſteria fidei explicabat,  
pue-

puerorum capita porrigine fæda abster-  
gens, & patienter tractans curabat, putri-  
dis rusticorum vulneribus medebatur eo  
successu, ut gratiâ curationum donatus  
censeretur. In monte, qui Somaschæ im-  
minet, repertâ specu in illam se abdedit,  
ubi se flagellis cædens, dies integros jeju-  
nus transigens, oratione in plurimam no-  
ctem protractâ, super nudo saxo brevem  
somnia carpens, sui, aliorumque noxa-  
rum pœnas luebat. In hujus specûs inte-  
riori recessu ex arido filice extillat aqua  
precibus Servi Dei, ut constans traditio  
est, impetrata, quæ usque in hodiernam  
diem jugiter manans, & in varias regiones  
delata ægrit sanitatem plerumque concili-  
at. Tandem ex contagione, quæ per  
omnem vallem serpebat, dum ægrotanti-  
bus infervit, & vitâ functos propriis hu-  
meris ad sepulturam defert, contracto  
morbo, annos natus sex & quinquaginta,  
quam paulo ante prædixerat, pretiosam  
mortem obiit anno millesimo quingentesi-  
mo trigesimo septimo; quem pluribus in  
vita, & post mortem miraculis illustrem  
Benedictus Decimus quartus Beatorum,  
Clemens verò Decimus tertius Sanctorum  
fastis solemniter adscripsit.

Rc. Iste homo &c.

IN

IN III. NOCTURNO.

Lectio S. Evangelii secundum Matthæum.

Cap. 19. v. 13.

Lectio VII.

**I**n illo tempore oblatis sunt ei parvuli, ut manus eis imponeret, & oraret. Et reliqua.

Homilia Sancti Joannis Chrysostomi.

Homil. 62. in Matth.

**C**ur Discipuli pueros abigebant? Dignitatis causâ. Quid ergo ille? ut doceat illos modestè saperè, fastumque mundanum conculcare, & suscipit, & ulnis complectitur, talibusque Regnum Cælorum pollicetur, id quod etiam dixit superius. Et nos igitur, si volumus hæredes esse Cælorum, hanc virtutem cum diligentia magna sectemur. Hoc est enim Philosophiæ culmen, simplicem esse cum prudentia. Hæc vita est Angelica. Anima enim puerili omnibus animi morbis vacua est: non memoriam retinet injuriarum, sed eas inferentis adit, ut amicos, ac si nihil factum esset. Et quamvis à matre verberibus cædatur, eam semper quærit, & omnibus anteponit.

Et. Iste est, qui &c.

Lectio VIII.

**S**i Reginam ipsi ostendas diademate ornata,  
tam,

tam, non præfert eam Matri pannis detri-  
tis vestitæ, malletque illam incultam vi-  
dere, quàm Reginam mirificè amictam.  
Nam quod suum, quod alienum est, non  
ex paupertate, vel divitiis, sed ex amore  
existimare solet, & nihil plus requirit,  
quàm necessaria, atque ut lacte repletus  
est, statim à mamma abscedit. Non eis-  
dem, quibus nos, ærumnis premitur,  
nec pecuniarum jacturâ, rebusque simili-  
bus, nec iisdem, quibus nos, fluxis rebus  
lætatur, neque corporum pulchritudinem  
miratur. Ideo dicebat: Talium est enim  
Regnum Cœlorum, ut ex proposito vo-  
luntatis illa operemur, quæ naturâ suâ  
puerî faciunt.

℞. Sint lumbi vestri &c.

*Lectio IX.*

**Q**uia enim Pharisei non aliunde, quàm  
à nequitia, & arrogantia ad agendum  
ferebantur, ubique Discipulos suos sim-  
plices esse jubet, illosque subindicat, dum  
hos instituit. Nihil enim ita superbiam  
parit, ut principatus, & primi confessus.  
Quoniam igitur Discipuli per totum terra-  
rum orbem multùm honoris consecuturi  
erant, ipsorum animos prævenit, nec si-  
nit eos humanum quid pati, nec honorem  
à vulgo expetere, vel ante alios se se effer-  
re.

re.  
at  
en  
af  
fu  
te  
pi

07  
u  
t  
C  
2

11

12

re.

re. Nam etiamſi hæc parva videntur eſſe,  
at malis ingentibus cauſam præbent. Sic  
enim inſtituti Phariſæi in malorum culmen  
aſcenderunt; ſalutationes: primos confeſ-  
ſus, & medios requirentes, hinc in arden-  
tem gloriæ cupiditatem, inde vero in im-  
pietatem lapſi ſunt.

Te Deum.

*De præcepto in Univ. Eccl. recitand. ab  
omnib. Chriſtifiſidel. tam Secul. quàm Regul.  
utriuſq. Sexûs, qui ad horas Canonic. tenen-  
tur, (cum Miſ. prop.) ex Decr. Urbis &  
Orbis edito à Clemente PP. XIV. ſub Die  
2. Septembris 1769.*

Juxta Exemplar Romanum.

*Cum Permiſſu Superiorum.*

---

Paderbornæ Typis & Sumptibus Wilhelmi  
Junffermann, Typog. Aul. 1770.



Non enim hanc parvam videtur esse  
in rebus inveniendis causam fore. Sic  
etiam in rebus inveniendis in rebus  
ascenditur; sed inveniendis; per nos  
ita, & in rebus inveniendis, hanc in rebus  
ita, & in rebus inveniendis, inde vero in rebus  
procedit lapsus sunt.

De rebus in rebus. Et videtur ad  
omnes. Christophel. cum de rebus in rebus  
mutatis. De rebus in rebus. De rebus  
ita, cum illis rebus. De rebus in rebus  
De rebus in rebus. De rebus in rebus.

Juxta E. rebus in rebus.

De rebus in rebus.

De rebus in rebus. De rebus in rebus.  
De rebus in rebus. De rebus in rebus.

o  
o  
S  
ta  
il  
le  
ce  
tu  
at  
m  
J  
o